

Ma. 1027


Ma. 1027

WEEK GENT



Joannis Lottin

4^{ta} septembris, 1658



ASTROSCO-
PIUM.

Pro facillimâ stellarum
cognitione noviter exco-
gitatum, & commentario-
lo illustratum:

WILHEL-
MO SCHICKAR-
do, Sanctæ Linguae apud
Tubingenses Professore
publico.


Nunc demum in com-
modum Reipublicæ Lite-
rariæ locupletius ador-
natum.

STUTTGARDIÆ.

Typis Kauttianis:

Anno Christiano:

M. DC. XLVI.



Psalm. 19. vers. 1.

Cœli enarrant gloriam Dei,
& opera manuum ejus an-
nunciat firmamentum.

Psalm. 146. vers. 4.

Dominus numerat multitudi-
nem Stellarum; & singulas
suis nominibus vocat.

Cicero Lib. 2. de Na-
turâ Deorum.

Quid enim potest esse tam a-
pertum, tamque perspicuum, cum
Cœlum suspeximus, cœlestiâque
contemplari sumus, quàm esse ali-
quod Numen præstantissimæ men-
tis, quo hæc regantur!


Lectori

LECTORI ASTROPHILO
Salutem!

EDIDIT Anno æræ Chri-
stianæ M DC. XXIII.

WILHELMUS SCHICKHARDUS,
Professor Tubingæ Clarissimus, Vir
Linguarum, potissimum Orienta-
lium, & rerum Mathematicarum
longè peritissimus, Germaniæ nostræ
lumen & decus singulare, *νῦν ἐν ἀγίοις*,
ASTROSCOPIUM mirâ inventione
succinctum, & ad Stellarum cogni-
tionem expeditam facillimum; in
formâ quidem satis exili, quam ta-
men ipse, nisi tristissimo Patriæ pa-
roxysmo impeditus, & morte præ-
maturâ abreptus fuisset, majorem
confecisset, & literato mundo com-
municâset. Multi enim visus debi-
litate laborantes, nocturno cum pri-
mis tempore, majusculam formam
jam dudum optarunt: Alii Stellarum
numerus ampliorem desiderârunt:

Nonnulli plura ex sacris Literis nomina asterismis indi posse censuerunt. Cum verò neminem hactenus viderimus, qui istud negotij in se reciperet, nobis placuit illud in gratiam Reip. Literariæ attentare, ut iteratâ hâc nostrâ Editione multorum desiderio satisfaceremus, & inopiam Exemplarium suppleremus. Summa quidem votorum fuit, integrum Commentariolum, uti primitus ab Authore editum erat, literis Hebraicis pariter atq; Arabicis exornatum, Typis exscriptum publicare: at quia Typographia nostra novella Hebraicis characteribus caret, & Arabicæ Literæ injuriâ temporis interierunt, æquanimus Lector substitutis Literis Latinis acquiescat. Quæ verò â nobis in ASTROSCOPIO addita sunt, coronidis loco indicabitur in fine commentarioli Schickhardiani. Ita vale Lector ASTROPHILE, & Cœlestes illos Stellarum exercitus sedulò contemplare, atq; occasione Cœli Stellati admirandam Creatoris Majestatem piè nobiscum medi sare!



Quod hoc præ-
 senti, omnium
 penè studiorum
 Majo, sola pro-
 pmodū Astro-
 nomia sequius floret, in causa
 est non Ignaviæ tantum gelu
 quoddam apud aliquos, & fri-
 gidius de Mathesi iudicium,
 sed vel præcipuè (ut mihi qui-
 dem videtur) Instrumento-
 rum penuria, incommoditas,
 & rectè utendi ignorantia.
 Cùm enim huiuscemodi artes
 Schematum apparatu maxi-
 mè indigeant, Globus verò su-
 perioris cœli effigies, mecha-
 nicâ necessitate convexus ad-
 ornetur, fieri non potest, quin
 multa difficultate implicen-
 tur,

tur quicunque cum cavo cœlo
 conferre satagunt. Nam quia
 oculus noster stellas, in inte-
 riori cœlorum facie dissemi-
 natas, ex domicilio suo, quasi
 centro universi contempla-
 tur, sursum intuendo, non ve-
 rò extra hunc mundum con-
 stitutus deorsum spectat, ideò
 necesse habet, ut convexos
 globorum Asterismos imagi-
 nando invertat, cumque dex-
 tris sinistra permutet, manen-
 te tamen eâdem distantiarum
 proportionem; quod sanè non
 cujusvis est tyronis, sed &
 quandoque exercitatis nego-
 tij non nihil faceffit. Eapropter
 huic difficultati medelam ad-
 hibiturus ego, pridem com-
 mentus sum cavos globos, tri-
 fariam apertiles, pronis, non
 supinis

supinis imaginibus insignitos,
 & nostrum ad obtutnm unicè
 accommodatos, horumq; spe-
 cimen minusculū ære dudum
 exsculpsi: quod non literatis
 tantum, sed & Principibus
 placuisse viris gaudeo. Verum
 ut inventis addere facilius est,
 subierunt mentem hæctenus
 δειντεραι φροντίδες meliores, quā
 nimirum ratione multò com-
 pendiosius ad eundem scopum
 pervenire, atq; stellas ex sim-
 plicissimâ chartâ leviter tan-
 tum convolutâ, promptius di-
 gnoscere liceat. Quamvis e-
 nim illa prior inventio, rotun-
 ditati cœlorū verius congruat,
 quia tamen ejus exemplaria
 difficilior in orbem congluti-
 nantur, nec ubique peritum
 artificem reperiunt; istud verò

recentius commentum, paratu multò facilius est, & commodius quoque tractatu, illud ipsum meritò priori longè prætuli. Vocavi autem ab usu ἀστρονομία, nomine cum ipsâ re noviter (nec tamen insolenter) enato. inde spero, id assequentur studiosi unicâ nocte, quod antea plurimarum vigiliis ex globo non valuissent. Cæterum dignum est hoc studium, in quo generosissimi quique & præstantissimi exerceantur. Si olim Abrahamo, Loto & Amos astra contemplari libuit; si Divum Paulum non piguit Astronomica Solensis Arati Phænomena, quâ tumvis Gentilitium fabularum plenissima lætitaſſe: Si Alphonsum Hispaniæ regem hæc cura non puduit

pudivit; ſi noſtrâ ætate Illuſtriſſimos Haſſiæ Landgravios, nobiliſſimos Tyrones hæc occupatione non dedecet, quânam id fronte probri loco habebunt ignava quædam pecora, & indigna, quibus fruſtra Deus os ſublime dederit, arrectosq; ad ſidera vultus finxerit, ut cœlum intueantur! Nempe nō ita quæſtuoſum eſt aut pompoſum, ut aliquæ artes hodiernæ, quæ ſavidius vulgò inhiant, brutorum more ſemper proni in terram incumbentes, ne ſcilicet cœleſtium ſplendor oculos obſcuret. Quod apud cæteros veniam meretur, eos verò qui ex Ephemeridibus lucri cauſâ, Geneſes & Calendaria confarcinant, inexcusable & turpiſſimum eſt, non poſſe in

cœlo vel famosum illud caput
 Algol monstrare, ex cuius ta-
 men positu tot dira mortalibus
 tam tragico vultu minantur &
 ominantur. Quâ in re ipsos an-
 tecellunt opiliones, aurigæ,
 tabellarij, nautæ, qui quòd
 multum sub dio versantur ple-
 runque caniculam, pleiades,
 utrumque Plaustrum, & exin-
 de noctis horam exactius sci-
 unt, quàm hæ talpæ. Quantò
 laudabilius olim perspicacissi-
 mus ille Hipparchus, qui post-
 quam sidus ævo suo genitum
 prehendisset, ausus est rem
 (ut Plinius ait l. 2. c. 26.) etiam
 Deo improbam, annumerare
 posteris stellas ac sidera ad
 normam expangere, organis
 excogitatis, per quæ singulorū
 loca atq; magnitudines signa-
 ret,

ret, ut facile discerni posset ex eo, non modò an obirent nascerenturque, sed omninò aliqua crescerent minuerenturque, cœlo in hæreditatē cunctis relicto, si quisquam qui rationem eam caperet, inventus esset. Hujus industriam nos æmulari decet, qui supra rusticos sapere volumus, stellasque in numero habere, ne quid nobis insciis inter astra contingere possit. Quis magis in oriente natalitij sideris novitatem persuasisset, nisi veteres jam probè internovissent? Et quotusquisq; est inter nos, qui prodigiosæ illius in pectore Cygni, hodiè viginti tres annos natæ stellulæ interitum animadvertat? quæ cum Anno 1600. primum exoritur,

certæ magnitudinis focios æ-
 quiparabat, nunc mihi vix sex-
 ti honoris esse censetur; &
 quandoquidem illæ diametro
 suo minutum integrum, hæ
 verò tertiam ejus partem sub-
 tendunt, jam ratione totius
 corpulentia ter-ter-ter de-
 crevisse, hoc est, vicesies sep-
 ties minor facta esse concludi-
 tur, adeoque ad totalem ex-
 tinctionem properare. Quod
 sanè miraculosum & ruentis
 mundi præsagium Dei opus,
 consideratione omninò dignif-
 simum est, nec ita negligi de-
 ceret. At per supinos contem-
 platores hodiernos, non ista
 tantum evanescere, sed vel
 fulgidissimus Orion è cælo se
 subducere, adeoque ipsis neu-
 rquam sentientibus, mundi
 pars

pars aliqua interire posset. Id
 ne citra nostram animadver-
 sionem contingat, sed ut astro-
 rum notitia studiosis quàm fa-
 cillima & simplicissima fiat,
 placuit hujus Astroscopij mi-
 nusculum nunc specimen in
 vulgus dare, & cum illis, à qui-
 bus multipliciter rogatus sum,
 liberaliter communicare : ut
 aliquando etiam, postquam
 doctorum & artis peritorum
 hominum, (quibus totum re-
 verenter subjicio) censuras at-
 que emendationes collegero,
 majori formâ ornatius edere
 possim. Interim nè sic nudum
 prodire vereatur, placuit bre-
 vissimo isthoc commentariolo
 vestitum in lucem emittere :
 qui & in genere aliquid de
 stellis moncat, & in specie de

hujus inventi ratione , scopo
& usu Lectores edoceat.

1. Stellarum notitia quasi
Alphabetum est Astronomiæ,
quod hisce sacris initiatus, pri-
mò omnium tenere debet. Ita-
que præposterii sunt, qui post-
quam multa de motibus garri-
re didicerunt, nondum tamen
vel gry quidem internoscunt,
quando sub cœlũ in rem præ-
sentem evocantur.

2. Non autem omnia stellæ
sunt, quæ tales putantur. Ap-
parent enim interdum spurix
faces, velociter discurrentes,
quas nominetenus tantum &
à specie cadentes stellas vo-
cant, cùm tamen revera non
sint, neque ulla in cœlo seor-
sim tali repentino motu ciea-
tur,

tur, locumve mutet. Exuenda igitur est opinio vulgi, quòd cadant, vago motu ferantur, aut omninò pereant; atq; hoc totū Meteorologis relinquendum.

3. Verarum quidem aliquæ
 ♄ ♀ ♂ ♀ ♀ peculiari, vario, &
 (ut tyronibus quidem videtur)
 inordinato motu incedunt,
 unde etiam Planetæ vel Erro-
 res appellantur, ob id ipsum in
 schemate non appicti. At pau-
 cæ sunt, & mundo coævæ, ac
 facilè dignoscuntur, ut infra
 dicam. Nunc mihi præcipuè
 res erit cum Fixis.

4. Illæ hærent omnes in uno
 & extremo mundi pariete, qui
 sic concipiendus est imagina-
 tione, totum hoc universum
 sphæricè ambire. Fortè tamen

una profundius in cœlū ascen-
dit, quam altera. Existimat e-
nim Tycho Brahe, progymn.
Tom. i. pag. 483. consentaneū
esse, ut aliquæ secundi status
reverâ æquiparentur stellis
primi ordinis, vel tertianæ se-
cundanis, at propter majorem
à nobis distantiam opticè mi-
nores appareant. Nec tamen
admittit tam amplam cœli va-
stitatem, ut ulla sextæ, propter
solam elongationē toties mi-
nor evadat primâ. Posceret e-
nim id intervallum undecuplo
longius, quod omnem fidem
excedit.

5. Servant autem omnibus
seculis eadem semper intersti-
tia. Quas enim Ptolemæus l. 7.
Almagesti Propos. i. trecentis
ferè annis post Abrachin (h. e.
Hippar-

Hipparchum) in unâ lineâ re-
 ctâ constitutas reperit, easdem
 & nos etiamnum hodie totis
 14. seculis ferius in eâdem li-
 neâ invariabiliter dispositas
 cernimus, nempè Capellam,
 sinistrum pedem Erichtonij &
 Aldebaram: Item eandem Ca-
 pellam cū Aurigæ dextro pe-
 de, & Orionis humero sinistro
 propemodum. Aliasq; plures
 quas apud Tychonem quoque
 p. 235. invenies.

6. Progridiuntur unâ si-
 mul omnes, quemadmodum
 eadem navis diversas merces
 vehit, suis tamen locis reposi-
 tas, nec collidit. Nisi quod cir-
 cum polares tardius volvun-
 tur, perinde ut in plaustro lu-
 tum propè axem rotæ lentius
 circumagitur, quàm quod ex-
 tremo

tremo limbo adhæret. Quò propior aliqua polis est, eò minori ambitu circuit, adeò ut si qua in ipso polo confisteret, gyraretur tantum intra metas sui corporis, nec loco excederet. Rotantur autem ab ortu in occasum & absolvitur una periodus XXIII. horis: Nisi fortè totum hoc oculo, in contrarias partes obvianti, tantum ita videatur: quam litem jam non facio meam.

7. Respectu Horizontis nostri, sunt in triplici differentiâ. 1. quædam semper apparent, nec nunquam merguntur; nempe septentrionales, quæ plaustrum proximè circumstant. 2. aliquæ semper latent, nunquam emergunt; nempe meridionales, quas re-

centium

centium nautarū solertia nobis indagavit. 3. reliquæ per vi-
ces oriuntur & occidunt, scilicet
intermediæ omnes. Cau-
sas hujus varietatis ex circum-
gyratione globi facilè depre-
hendes.

8. Quod ad multitudinem
attinet, sunt penè innumera-
biles, non tamen infinitæ. Et
multas detexit hodie Teleσκο-
pium, quas prisca secula igno-
rabant. In uno Orionis capite
monstravit ultra vicenas, &
quod plus est in uno præsepi
(quo nomine nebulosa Cancri
appellatur) supra quadrage-
nas. Nec desunt lyncei quidā,
qui nudis oculis quatuorde-
cim Plejades numerant, &
quinguagenas in Orionis cly-
peo, quot putas cum vitreis
reperi-

reperirent? Oportuit sanè Abrahamum visu præ nobis poluisse, qui, creatore Deo monstrante, tot stellas vidit, in quot capita posteritas ipsius multiplicata fuit. Judæorum enim nunc multò plures sunt, quàm nos fortè vel cum perspicillis, astra cerneremus. Ex universo autem illarum exercitu paucæ seliguntur, & grandiores cæteris & visu notabiles, minoribus neglectis. Harum Ptolemæus millenas viginti duas recensuit; Plinius MDC. Hebræorum Rabini XII. millia in universum numerant, Cabalistsæ verò 29000. myriades, quod nimium est, neque enim plures 2671. myriadibus recipere posset tota cœlorū area, nè quidem si contiguè omnes cohære-

cohærent, aut singulæ tertiâ minuti partem occuparent.

9. Ipsa Galaxias nihil aliud est, quam congeries minutissimarum stellularum contiguè collucentium, quas eadem Arundo Dioptrica noviter detexit. Rectè igitur olim Democritus definivit: *πολλῶν αἰσέρων συνεχῶν καὶ συμφωτιζομένων συνναυγασμὸν*. Malè verò eundem ob id reprehendit Aristoteles, perpetuū hunc & mundo coævum circulum perperam pro meteorovenditans, lib. 1. c. 8. nescio quâ fallaci conjectura deceptus sagacissim⁹ alioquin Philosophus. Multò ineptius eandem viam lacteam priscus ille Theophrast⁹ pro commissura cœlorum habuit, quasi compages mundi per illam albugi-

buginem cohæreret, ut bini
 asseres glutine ferruminati.
 Habet autem Galaxias quan-
 dam quasi Insulam, quæ à Cy-
 gno ad Scorpionem usque pro-
 tenditur: & est admodum in-
 æqualis tum latitudinis tum
 densitatis, terminos ejus accu-
 ratè notavit, Ptolem. pr. i.
 lib. 8. Almag.

10. Porro variè discernuntur
 à se invicem tot stellæ, quanti-
 tate, coloribus, scintillatione,
 præcipuè verò situ & configu-
 rationibus; de quibus nunc si-
 gillatim.

11. Ratione quantitatis di-
 stribuuntur in sex Magnitudi-
 nes, quasi classes; nimirum illæ
 tantum, quas communiter vi-
 demus. Nam cæteræ minutio-
 res, quas tubus opticus mani-
 festat,

festat, similiter gradibus magnitudinum differunt, ut infra decimas descendere possem⁹. Primæ magnitudinis numerantur 15. sed harū 12. tantū nobis conspicuæ sunt, secundæ 45. tertiæ 208. quartæ 474. quintæ 216. sextæ 50. Imò multo plures, neque enim omnes in catalogū receperunt, quas aliqua nox serena, præcipue brumalis ostendit.

12. Apparentes illarum diametros mensus est oculatissimus ille Tycho Braheus, & pag. 481. Tom. 1. progym. prodidit, primæ classis sidus subtendere duo circiter minuta, secundi honoris sesquialterū, tertij unū, quarti $\frac{3}{4}$ quinti dimidium, sexti XX. secunda.

Vnde

①②③④⑤⑥ Vnde talis ip-
 forū propor-

tio surgeret, qualem appinxi.
 Subdubito tamē, an hoc ipsum
 satis præcisè determinarit, nō
 tam quòd illæ, quæ unius ma-
 gnitudinis esse censentur, no-
 tabiliter sæpè differunt, (v. g.
 Sirius & lyra regulo & spicâ
 majores sunt) quàm quia sin-
 gulorum oculorum singularis
 & diversissima est in tam subti-
 li quantitate æstimatio. Mihi
 sanè luscioso & diversoculo
 per dextrū latiores apparent,
 per sinistrum exiliores, quod
 retiformis tunica ibi attra-
 ctior sit, hîc profundior; per
 utrunq; tamen omnes duplum
 ferè superioris mensuræ sub-
 tendunt. At per conspicienda
 intuenti

intuenti, aliquanto angustiores cernuntur, per tubum eò minores, quò is melior est & major, per optimum prorsus ut atomi vel puncta.

13. Veras singularum magnitudines verè ignoramus, easque ex tanto intervallo tam accuratè scire velle, præsumptio est & temeritas. Quod enim Tycho ibidem primas 68. secundanas 28. tertianas 11. quartanas $3\frac{1}{2}$ vicibus, quintanas semel terreno globo majores, sextanas verò eodem ter ferè minores æstimavit; Alfraganus verò maximas 107. proximas 90. succedentes 72. sequentes 54. posteriores 36. minimas 18. terras nostrates æquiparare censuit, id omne ex hypothese di-

Etum fuisse cogitandum est, si nimirum tanta vel tanta octavæ Sphæræ assumatur distantia ; ex qua diversitate totum illud variatur: siquidem Opticorum consensu quodlibet visibile quò longius distat, eò minus apparet. Sunt tamen eorum speculationes, qui cœlum stellatum quàm longissimè à nobis removēt, & consequenter astra plurimùm amplificent, veritati propiores: quoniam minora neutiquam admittit, semel concessa orbis annui parallaxis.

14. Coloris quædam sunt rutili, aliæ albicantis, nonnullæ pallidi, quæ varietas ex Autopsia rectius discitur, quàm operosiori descriptione.

15. Inde æstimantur ipsorū
naturæ,

naturæ, & accensentur, quæ liventes sunt Saturno, quæ claræ Jovi, ferrugineæ Marti, flavæ Soli, buxæ Veneri, cineritiæ Mercurio, pallidæ Lunæ; ut quilibet Planeta tanquam dux, in exercitu stellarum suos veluti subditos, coloris sui æmulos habeat. Nisi quod pleriq; propter dubium, ex binis quasi commixtum colorem duobus simul accensentur: quod totum hac brevi tabellâ compendiosè ob oculos statuere placuit. ♀ prop⁹, venter piscis austrini, item venter & cauda ceti. ♀ 7 dexter humerus Cephei, sinister pes, totumq; cingulum Orionis. ♀ ♂ prima arietis, rostrum corvi, caput ophiuchi. ♀ ♀ polaris, capita Draconis & Medusæ, pectora Cassiopeæ & Hydræ,

latus Persei, prævindemiatrix,
 tergum & cauda leonis. ♀
 sinister humerus Bootis, ven-
 ter leporis, lanx borea. ♀ no-
 dus piscium, ♀ ♂ Arcturus, a-
 quila, crus Pegasi, Regulus,
 Syrius, cor Scorpii. ♀ ♀ caput
 Andromedæ, crus aquarii, A-
 charnar. ♀ ♀ os & humerus
 Pegasi, lanx austrina. ♂ omnes
 equi & rotæ plaustrum. Aldeba-
 ran cum Hyadibus. Pollux.
 ♂ ☉ aselli, oculus sagittarii.
 ♂ ♀ spica. ♂ ♀ caput Herculis,
 capella cum hædis, uterq; hu-
 merus orionis. ♂ ☾ plejades &
 præsepe. ♀ umbilicus Andro-
 medæ. ♀ ♀ ejusdem scapula,
 lyra, gnosis, rostrum & cauda
 cygni, crater, fomahant. ♀
 procyon.

16. Omnes ferè scintillant,
 inæqua-

inæqualiter tamen , quædam plus , aliæ minus ; imò eædem diversis temporib⁹ diversimodè : flante Euro plurimùm tràquilla nocte languidius. Quod mihi argumento est , hoc pathos non in illorum corporib⁹ hære , nec ipsasmet stellas tam varium fulgorem ebullire quasi aut eructare , ut nonnulli voluerunt : sed universum hoc opticè tantùm accidere , & ab inæquabili semper fluctuantis aeris superficie orîri. Quemadmodum enim lapilli per crispulas undas visi tremere putantur , quòd rapidè decurrens aqua subinde curvatur , cùm ipsi tamen interim in rivi fundo reverâ jaceant immoti : sic stellæ per agitatum aerem spectatæ , lumen suum continuè

vibrant, præsertim hyberno tempore, quando ab humilioris aeris superficie propius absumus, proinde variationum angulos celeriter mutatos evidentius sentimus.

17. Nascuntur aliquando novæ in ipso cœlo. Et frustra contradicunt Peripatetici, ubi Experientiam habemus, luculentis rationibus Geometricis suffultam. Meminerunt patres nostri portentosa illius in Cassiopeâ, An. 1572. exortæ. Vidimus ipsi novam in pede Serpentarij Anno 1604. enatam, & durat etiamnum hodie illa, de quâ in præfatione dixi, proximè pectus Cygni hærens, sed minutula jam, & quasi ad interitum vergens, nec nisi diligenter intuentibus observabilis; ut ali-

ut aliquando prorsus extin-
ctam putarim, donec serenior
nox iterum in conspectum re-
duxisset. Habeo tamen inter
Astronomos nostri seculi pri-
marios aliquem, qui diversum
sentit, & hoc nomine consul-
tus, nuperis ad me literis du-
dum amissam, adeoq; post An-
num 1613. sibi non amplius vi-
sam respondit. Credo non vi-
sam, quia & ipse lusciosus est,
atque oculos suos in hoc stu-
dium bono publico dudū pro-
degit: nisi forte suo, id est, ami-
co more jocatus, ad attentio-
nem contemplationē hoc stra-
tegemate me extimulatum
voluit. Hoc sanè scio, memo-
riam meam, in tam familiaris-
simā sibi stellā non hallucinari:
& testabuntur tot studiosi,

quibus aliquot jam brumis de-
 crescentem monstravi, proxi-
 mâ retrò hyeme diminutam
 quidem, sed tamen adhuc evi-
 dentiore quàm nunc, com-
 paruisse. Provoco etiam ad mi-
 nimè caligantes oculos com-
 munis nostri Præceptoris Dn.
 Mæstlini, incomparabilis Ma-
 thematici, Tychonis quoque
 judicio corvis omnibus mul-
 tùm præferendi. Sicut autem
 hæc stella serius, post creatio-
 nem cæterarum, & nostrâ de-
 mum ætate cœpit; ita quoque
 mox & ante universale mun-
 di interitum desitura videtur.
 Unde & in ipsissimo cœlo ali-
 quid generari & corrumpi
 posse, adversus Aristotelem
 patet. Simul lis illa quorun-
 dam, an verè nova, vel antea
 fortè

forte neglecta tantum fuerit, ab eventu & posteriori decidetur. Quod autem antiquitus ante Constantinopoleos amissionem, in ipso polo stella quæpiam constiterit, & postea disparuerit, (ut Italus quidam apud Tychonem p. 743. nugatur) id manifestè fabulosum est, & contra fidem veterum globorum, contraq; experientiam nautarum. Similiter & illud Poëticum, quod septima Plejadū Electra, cæteris quidem ante excidium Trojæ lucidior extiterit, post verò evanuerit. Cernitur enim etiamnum, licet reliquis minor. Unde quasi ob Trojæ ruinam mœsta, sub vicino cancri Tropico se abscondisse fingitur à Poëtis.

18. Porro situs stellarum

B 5 consi-

consideratur dupliciter, ratione Longitudinis nimirum & Latitudinis. Illa numeratur ab occasu in ortum, juxta seriem signorum Zodiaci, à puncto æquinoctij verni, præcipuo totius cœli loco: vel quoniam illud vagum est, ex Copernici mente rectius à primâ stellâ Arietis: Hæc verò à meridie in septentrionem, & altrinsecus quoque ab eodem initio versus polum australem. Hîc verò magnas meritò debemus grates nobilissimo Tychoni Brahe, qui tot noctium indefessis vigiliis, & incredibili sumptu nobis restituit atque corréxit Catalogũ fixarum, quem veterum observatorum organa rudiora minus accuratè olim condiderant, & librario-
rum

rum incuria plus etiam hæc-
 nus depravârat. Subirrepsit
 tamen in oculatissimi hominis
 abacum, procul dubio Ama-
 nuensis vel Typographi vitio
 erratum quoddam, dum lu-
 cidam caudæ ceti, denis gra-
 dibus justo anteriorem fecit,
 quod pridem ex Autopsiâ de-
 prehensum, moneo ut corri-
 gatur. Supplevit etiam aliquas
 in Serpentario Cl. Dn. Keple-
 rus, libro de nov. stell. Anno
 1604. disertè simul indicans,
 illas quæ in dextro pede sint,
 non boream sed australem ha-
 bere latitudinem. Quod à Cl.
 Habrecht, in nuperâ editio-
 ne Globi sui, cæteroquin ele-
 gantissimi, neglectū esse miror.

19. Ordinis & memoriæ
 causa distribuitur universus

stellarum exercitus in aliquot
 Imagines vel Asterismos, ut nempe
 tanta earum multitudo, in cer-
 tas quasi classes redacta, eò fa-
 cilius discerni possit, & singu-
 læ sigillatim à suis membris de-
 nominari. Variant autem au-
 thores in numero Imaginum.
 Ptolemæus 48. ponit, scilicet
 XXI. in boreâ, XV. in austro,
 XII. in intermedio Zodiaco,
 quas mnemonicis versibus in-
 clusas alibi passim reperies:
 Arat⁹ & priusci pauciores, quia
 Serpentem cum Ophiucho
 conjungunt, item Equuleum
 & Librâ prætermittunt: con-
 trà posteri plures, quoniam
 Berenices comam & Antinoû
 assumpserunt. Quomodo au-
 tem Plinius LXXII. signa nu-
 meret, equidem ignoro, fortè
 aliqua,

aliqua, quæ nos primarijs ad-
jungimus, ipse separatim com-
putavit; ut caput Medusæ, spi-
cam virginis, præsepe, asellos,
capellam, hædos, terebellum
&c. Item Castorem & Pollu-
cem, vel utrumque piscem se-
orsim. Nam hæ VII. imagines,
Camelopardalis, Jordanus,
Tigris, Vespæ, Monoceros,
Gallus & Columba, quas re-
centior ætas hemisphærio no-
stro inseruit, ignotæ tunc e-
rant. Sunt & reliquæ XVI. in
opposito cœlo Antipodum, cir-
ca polum meridionalem, nu-
per demum à Lusitanis addi-
tæ, scilicet Indus, Phoenix,
Grus, Pavo, Chamæleon, A-
pus, Musca, Passer vel piscis
volans, Crux, Trigon⁹, Rhom-
bus, Dorado piscis, Hydrus,

Toucan anser, & binæ tandem Nubeculæ. Extra hæc tot simulachra supersunt passim aliquæ stellæ *σποράδες* vel *ἀμόρφωτοι*, quæ in nullam figuram redigi commodè potuerunt; ea propter nominibus carent, at à vicinis imaginibus memorandæ sunt.

20. Quinam primi harum imaginum Authores fuerint, id ex tantâ vetustate nescitur quidem hodiè: verisimile tamen, quòd duplex hominum genus nomina stellis indiderit. 1. in mediterraneis locis Agricolaë, quod rustica supellex, scilicet utrumque plaustrum, cum aurigâ & equis produnt; item spica triticea, & villicorū animalia, ut Capella, Taurus, Aries, Ambo Canes, &c.

fatis

fatis arguunt. 2. in maritimis
Nautæ: ut ex Ceto, Navi, Pi-
scibusque apparet. Tandem
verò eruditi perfecerunt, &
in Artis formam redegerunt.

21. Causas cur istæ imagi-
nes in cœlū receptæ sint, opi-
nor fuisse potissimum tres, Si-
militudinem, Efficaciam, Im-
mortalitatem; quarum prima
est Mathematica, sequēs Phy-
sica, tertia Historica. Quod si-
militudinem attinet, depre-
henderunt authores alicubi
manifestam ejusmodi confi-
gurationem, ut in Coronâ, cu-
jus stellæ in semicirculum evi-
denter disponuntur; ut &
spondyli in caudâ Scorpionis.
Item in Cygno, cujus anterior
stella rostrum, media pectus,
collaterales alas, postrema
caudam

caudam non ineptè repræsentat. Vel in Orione, qui duabus supremis binos quasi humeros, tribus mediis quodammodo cingulum, infimis verò pedes alicujus viri exprimere videtur. Alibi qualem cunq; schematicum imaginati sunt, ut in Sagittario, cujus stellæ quidvis aliud potius quàm ejusmodi arcitenentem efformant. Unde tot monstrosæ imagines introductæ sunt, ut Capricornus ex capro & pisce, Centaurus ex homine & equo compositus. Aliquæ etiam mutilatæ, ut Taurus, Argo, Pegasus, Equuleus. Sæpenumerò quoq; Analogiam venati esse videntur. e. g. Cancrum reposuisse, unde Sol altissimus retrogreditur: Librā ubi quasi in æquilibrium

librio pendens, noctem diei
 æquat: Leonem calidissimam
 bestiam, ubi æstus est maxim⁹:
 Aquarium ubi copiosis imbri-
 bus pluit: Canem ubi hæc ani-
 malia in rabiem aguntur: vel
 Canes & Leporem eâ cœli
 plagâ pinxisse, qua super sylvas
 orirentur: aut Navem effor-
 masse, cujus carina nunquam
 tota supra Horizontem, velut
 ex undarum fluctibus emer-
 geret.

22. Deinde quod Efficaciâ
 concernit, ajunt quidem A-
 strologastri, posse aliquid hæc
 imagines in nativitatum mo-
 mentis. v. g. quibus Hercules
 ascendat, hos fore audaces:
 quæis Erichthonius, hos auri-
 gas: quibus Canis, hosce mî-
 naces & iracundos: quæis Le-
 pus,

pus; hos timidos & veloces: cui Aries horoscopus obsideat, hunc futurum esse opilionem: cui Taurus, bubulcum: cui Spica, rusticum, & si quid plus est ejusmodi nugacium superstitionum. Itaque prorsus divina & fatidica arte in hæc, nec alias imagines cælum à peritis Genethliacis olim distributū fuisse. Verū ego cum faniore & moderatissimo Tychone, pag. 311. sentio, figuris hæc nihil inesse energiæ, nisi fortè per accidens paucis quibusdam è situ ipsarumque stellarū naturā potius quàm ex imagine ipsā, quæ planè arbitraria fuit: Quicquid tandem hîc Matæologi nugentur, cælum ob id mendacius obnoxium non est, etsi terra iis hominum culpâ scateat.

23. Tertiò, multorum hominū imagines in cælum ideò
receptæ

receptæ sunt , ut illorum res fortiter gestæ immortalitati consecrarentur, nec quamdiu cœlum rotatur, ulla oblivione delerentur unquam. Sic v. g. Hercules ob duodecim labores inter astra relatus est. Et sanè durat ejusmodi heroum fama isthac ratione diutius, quàm si facinora ipsorū membranis inscripta, vel ære exsculpta fuissent, quia senium etiam saxis tandem marmoribusque venit. At multùm hîc Vanitatis, nonnihil etiam Adulationis subest, dum v. g. Conon, Berenices capillos, pro mariti salute Veneri devotos, & è templo subductos confinxit in cœlum evectos esse, & inter Ursam atque Virginem receptos, ut sui regis Ptolemæi

lem ei Evergetis gratiam aucuparetur: Vel Poëtæ Andromedam, Cephei Æthiopum regis & Cassiopeæ filiam, monstro marino expositā esse tradunt, tandem à sponso Perseo liberatam. Unde tota hæc familia æternæ laudis gratia in cœlos subvecta fuerit.

24. Quoniam ergo ista multis pudendis fabulis involuta nil nisi Ethnicismum sapiunt, optarem, ut ea Christianus aliquis refingeret, & in sacras imagines transformaret: quod non tantum divinæ legi conforme esse, quæ Deastrorū nomina reticere & abolere jubet, Exod. 23. 13. sed & factu facillimum. Qui enim gentilibus Perseus erat cum capite Medusæ, is nobis Davides cum capite Goliath, manen-

manente astrorum dispositio-
 ne prorsus eadem, mutato sal-
 tem nomine. Sic illorum Hercu-
 les cum clavâ, facilè permutaretur in
 nostrum Samsonem cum maxillâ :
 Æsculapius cum Serpente , in nau-
 fragum Paulum cum viperâ manibus
 implicirâ. Ursæ essent mihi, nō,
 quæ Jovem in antro nutrit, aut
 quam ab eodem casto Jo-
 ve compressam, Diana sic
 transformavit, sed quæ pue-
 ros quadraginta duos devorasse
 legitur. Quorsum enim
 rancidas illas, & dudū ad or-
 cum damnatas revocarem fa-
 bulas? quas scire nulla laus est,
 ignorare verò pietas etiam.

25. At inquit earum Pa-
 troni: res ipsæ pridem per Dei
 gratiam nobiscum antiqua-
 tæ sunt, retineamus nuda sal-
 tem

tem nomina, quemadmodum
& dies septimanæ à H Z O ci-
tra superstitionem in media
Ecclesia denominamus. Postu-
lat id doctrinæ modus, quando
jam ubivis gentium & apud
Judæos quoque recepta sunt
hæc vocabula, velut Artis ter-
mini, sine quibus ea feliciter
tradi nequit. Quis tam inve-
terata innovare sine levitatis
suspicionem ausit? privatoq; ni-
sui immutare, quod publico
omnium Astronomorum con-
sensu roboratū. Maximè quia
incertum est, an in peius sit re-
formaturus. Et ut afferat me-
liora, verendum tamen, nè æ-
què absurdus veniat, ac illi, qui
Calendariū Gregorianum no-
bis obtruserunt. Differenda
hæc lis est in Comitia Mathe-
matico-

maticorum, quando simul de
certo Longitudinis locorū ini-
tio decernent, quod ad proxi-
mas fiet Kl. Græcas, in ♀ ☉ ♂.

26. Respondeo, non pro-
pterea necesse est, ut artis fun-
damenta evertantur, neque
concedendū, ut quisquam pro
libidine isthæc refingat. Sed
hoc saltem indulgeant, ut v. g.
qui Gemini antea Castor &
Pollux, vel Hercules & Apol-
lo, vel Triptolemus & Jasion,
vel Zethus & Amphion erant
(neque enim ipsi satis inter se
concordant) posthac mihi sint
Esau & Jacob⁹: qui Aries Poë-
tis est cum aureo vellere, mihi
sit ille Abrahami pro Isaaco
mactatus, vel alter Danielis:
quæ Virgo ipsis Ceres vel A-
stræa, nobis Maria: quod Præ-
sepe

sepe cancri, nobis potius Infantis Christi: qui Cetus Neptuni, nobis Jonæ: qui pisces Cupidinis, nobis illius pueri, unde salvator ultra 5000. viros miraculosa benedictione cibavit: qui Leo Arcadius aut Junonis, nobis de tribu Juda, vel è specu Danielis: qui Corvus Apollinis, nobis Eliæ vel Noachi: qui Canis Actæonis, nobis Tobia: quæ Coma Berenices, nobis Samsonis aut Absolomi: quod Δ triangulum fictitij $\Delta\iota\omicron\varsigma$ litera initialis, id nobis S. S. Triunitatis character, &c. Ita manerent imagines, abolerentur saltem nugæ; retinerem⁹. vsum, abusum tolleremus.

27. Eandem sibi libertatem usurparunt alij: cūr ergò nos
in has

in has imagines juraremus ?
 Certum est, quod aliqui Arabes
 globos suos aliter pingant, & pro
 humanis imaginibus ferinas
 ferè supponant. Pro Dracone
 nostro ipsi fingunt duos lupos
 & quinque Dromedarios: pro
 Cepheo Pastorem cum cane
 & ovibus: pro Boote molossum
 latrantem: (Turcæ verò Sagit-
 tiferum) pro Andromedâ vi-
 tulū marinum: pro Cassiopeâ
 cervam: pro Erichthonio mu-
 lum clitellatū: pro Ophiucho
 gruem vel ciconiam cum ser-
 pente: Hebræi pro plerisque
 imaginibus literas Alphabe-
 thi sui: Chaldæi pro boreopi-
 sce hirundinem: Ipsi Græci &
 Latini olim multos asterismos ali-
 ter figurabant. Thales Milesius
 pro Vrsâ minore Canem for-
 mabat,

mabat, quem & caudæ longitudo postulat, & ipsum nomen Cynosura, quasi *κυνὸς ἔρα* manifestè prodit. Plaustrum olim septem teriones seu boves erant: vnde plaga illa etiamnum Septentrio denominatur. Qui nunc Hercules est, olim anonymus erat, ideò dictus *ἐγγόναις* vel ingeniculus, quasi *ἐν γόναις*, hoc est, genibus (rectius tamen uni tantum) innixus. Quidam Lycaonem dixerunt, Diis pro restitutione filiæ supplicantē; alij Promethea Caucaſo alligatum, & rursus alij miserum Ixiona brachiis reuinctū: Plerique Alcidem, quorum sententia multitudine tandem obtinuit. Nec libram agnovit vetustas, quande tota Scorpio-
ni accensebatur. Unde hunc

Aratus

Aratus μέγα θηρίον vocavit, illa
 verò Chelarum nomen etiam-
 num retinet: fuit demùm J.
 Cæſaris tempore, in gratiam
 Imperatoris inserta; contra-
 ctis in brachiis. Equulei stellæ
 ſicut & Antinoi olim informes
 erant: & hæ Adriani Imp. juſ-
 ſu demũ formatae. Is ipſe An-
 tinous aliis Ganimedes eſt, de
 unguibus Aquilæ ſuſpenſus;
 alij Aquilam ſic ſtatuunt, ut
 Telum pedib⁹ teneat. Telum
 nautis eſt temo, quibusdam
 calamus ſeu arundo. Delto-
 ton Hiſpanis Sicilia; Ægyptiis
 verè quædam triangularis In-
 ſula Nili ſui. Lyram aliqui cor-
 nutam pingunt, cum jugo, ner-
 vis, pectine & verticillis; alij
 teſtudinem vel Cytharam, cæ-
 teri ejus loco Vulturẽ caden-

tem. Hydra non uno sed multis capitibus olim fingebatur, nec malè quidem ex illorum gentilium Theologiâ. Pegasus etiam cum ephippio loco alarum. Aries circulo cingebatur. Taurus Plinio & Vitruvio integer erat, in ejusq; caudâ Plejades locabantur. Alicubi etiam Manipulus frugum loco Comæ Berenices visitur. Pro Corona gnosis quidam corollam vel sertum nectunt, ex floribus & hederæ baccis, cum intermixtis corymbis, & circumfluentibus fasciis; alij malunt vetus Diadema: nonnulli Oculum substituunt. Pro altera Corona meridionali sunt qui globulum; item qui rotam Ixionis reponunt. Variant quoque in Orionis scuto, quod
aliis

aliis est pannus, aliis corium
 bovis, aliis exuviae leonis. E-
 richthonio pedes anguinos tri-
 buit Ovidius; alij flagellum
 cum stimulo, habenas alij. Ta-
 ceo leviores varietates, ut
 quod Booti nunc venabulum
 & canes venaticos, mox cla-
 vam seu colorobum, rursus
 hastam, aliquando pastorale
 pedum, sæpè etiam falcem ad-
 jungunt: Herculi ramos po-
 morum vel cotoneorum. Dra-
 conì pedes ad pectus: Perseo
 talaria, gladium aut falcem:
 Geminis ocreas, torulos in pi-
 leis; vel uniplectrũ & lyram,
 alteri scutũ cum harpâ: Can-
 cro caudam curvam ut habent
 fluviatiles; vel nullam, ut sunt
 marini: Virgini spicam, alicu-
 bi strophium vel olivam: itẽ

alas & caduceum : Sagittario
 linteum vel vexillum : Aqua-
 rio etiam duplex aquæ efflu-
 vium. Sed multa horum per-
 peram. At quis omnes varia-
 tiones recenseret ? Unicam
 addo quæ ad meum gustū est.
 Ex Cygno rustici & opiliones effor-
 mant Crucem Salvatoris, quā con-
 figurationem pulchrè ornavit
 Nova, repræsentando inclina-
 tum quasi caput morientis
 Christi ; præsertim quando
 crux stabat erecta in plagâ oc-
 cidentali. Nonnulli etiam ex
 quadrangulo quod est inter
 Pegasus & Andromedā Cru-
 cem effingunt; sed non ita con-
 cinnè.

28. Superest ut de Nomini-
 bus stellarum aliquid dicam. Ea
 nos à partibus Asterismorum
 desu-

desumimus. v. g. hanc caput
Andromedæ, illam cor Leo-
nis, aliam pedem Orionis vo-
camus, prout quælibet in cer-
to membro sui corporis loca-
tur. Quem in finem imagines
potissimum excogitatas esse
crediderim. Ubi observandū,
quòd sæpè nomen totius con-
stellationis tribuatur indivi-
duæ cuidam stellæ, si ea cæte-
ris lucidior sit; quo respectu nō
tantum integri asterismi, sed
& singularia astra καὶ ἐξοχὴν di-
cuntur. v. g. Aquila, Lyra,
Gnosia, &c. Solent & aliqui
eas à serie, qua in catalogo
Ptolemaico recensentur de-
nominare, v. g. primam Arie-
tis, secundam Cassiopeæ, ter-
tiam Erichthonij, &c. Unde
in quibusdam globis numeri

appinguntur. Sed quia hæc ratio intellectu obscurior est, & difficilior quoque memoratu, ideò imitandam non censeo. Præter has vulgares appellationes, meruerunt aliquæ peculiariora quædam & propria nomina, tam vernacula & latina, quàm græca & hebræa, præfertim verò plurima etiam Arabica, quæ passim in authoribus vulgatissima sunt, ea propter ordine Alphabethico secundum classes suas mox enumerabo: Id unum protestatus, quòd tamen prorsus vera non sint. Nam ipsissima vera nomina stellarũ, solus earum creator DEUS novit, Psalm. 147. vers. 4.

29. Germanicæ nomenclaturæ pauciores sunt, quia hoc
studium

studium serius apud nos florescere cœpit. Hæ autem præcipuæ, quas ab Idiotis audimus.

1. die Gluckhenn oder Sibengestirn / Plejades in dorso Tauri: eò quòd una cæteris major Gallinam, reliquæ sex minores, totidem quasi pullos circumstantes, & sub alas congregandos adumbrant. 2. der

Hundstern / canicula vel Syrius, in ore canis majoris. 3. der

Jacobsstab / cingulum Orionis, fortè à variegatis virgis Patriarchæ sic dictum, quas ipse miro astu sic decorticasse legitur, Gen. 30. vers. 37. Unde &

Instrumentum quoddam Geometricum, Baculus Jacobi denominatum esse videtur, 4. die

Jacobsstraß oder Milchstraß / Galaxias vel lactea via. 5. Si-

mon/sic nautæ Delphinum vo-
cant; fortè quia simis est nari-
bus. 6. der Wag / groß und flein
Heer Wagen / in utraque ursâ;
quæ notiora sunt, quàm ut
prolixiori explicatione indi-
geant. Hoc unum notetur
paradoxum, quòd vulgatum
est apud rusticos: beede Wägen
fahren hintersich / in cœlo plau-
stra trahunt equos; in terris
equi plaustra.

30. Pergo ad Latinas appella-
tiones. Inter eas non refe-
ram, quæ vel à partib⁹ & mem-
bris imaginum desumuntur;
hoc enim nimis prolixum fo-
ret, & per se notum: nec quæ
originis Græcæ sunt; illæ enim
rectius adsequentem classẽ
reservantur. Sed quas latij
scriptores Romanâ civitate
dona-

donârunt. Agni sunt, qui infra
dicentur Hœdi. Anguilla est an-
guis Ophiuchi. Aselli duo sunt
in cancro, juxta nebulosam: &
tres in manu sinistrâ Bootis.
Auriga idem qui Erichthonius.
Avis etiam Cygnus. Balæna Ce-
tus. Bellatrix in Orionis hume-
ro sinistro. Bubulcus aliâs Boo-
tes. Canicula in ore majoris.
Capella sinister humerus Erich-
thonii. Castor Geminorû prior,
vel qui Tauro propior est. Che-
læ lances libræ. Cincinnus Bere-
nices. Deucalion aquarius. Fidi-
cula rostrum lyræ. Gallina cy-
gn⁹. Ganymedes Antinous. Gno-
sia margarita coronæ. Gorgonis
caput idem quod Medusæ.
Hermippus Delphin. Hircus qui
modò Capella. Hædion pro-
cul inde, in Ericht. cubito fini-

Astro. Ingeniculus Hercules, quia
 geniculatur. Lælaps canis ma-
 jor. Linum quod pisces conne-
 ctit. Lyræ lucidior rostri. Milvius
 iterum cygnus. Muscida in ore
 Pegasi. Nilus Eridanus. Nisus
 Hercules. Nodus in commissu-
 ra lini. Olor Cygnus. Pan Ca-
 pricornus. Padus Eridanus. Pa-
 lilicium rutila in oculo Tauri.
 Pistrix Cetus. Pollux geminorū
 posterior, qui vicinior cancro.
 Præsepe nebulosa in cancro.
 Præindemiatrix in ala dextra
 virginis. Regulus cor Leonis.
 Rota Ixionis, aliàs Corona me-
 ridionalis. Rutilicū barbarè di-
 ctū, in Herculis brachio dex-
 tro. Septentrio, septem stellæ
 plaustrī. Seliquastrum, barbarè,
 sella Cassiopeæ. Sicilia triangu-
 lum. Sirius in ore canis majoris.

Spica vel arista virginis. Succulæ (p̄rperam Succidæ) quæ oculum tauri proximè circū stant, & ortu suo succos, hoc est imbres causantur. Terebellum Rhombus in dorso sagittarij. Vergiliæ vel plejades, septem stellulæ in jubâ Tauri. Vitulus Andromeda. Urna crater. Vultur cadens est Lyra. Volans verò, ad differentiam, Aquila.

31. Græcorum nominum pleraq; etiam Latinè scribuntur, malui tamen propter Etymologias, si quas habent, seorsim hîc subjicere. Ἀντίρην tyranus, rectius, Ἀντίρην Antares, cor scorpj, stella rutila & violenta. Ἀρκτὺρ ūrsa. dicitur, & ἄμαξας currus. Ἀρκτὺρ Arcturus, inter crura Bootis, quasi non procul ab ursæ caudâ. Ἀρκτοφύλαξ Arctophylax,

phylax, ipse Bootes, quasi custos
 Ursarum vel pastor. Αἰγόνερος
 Aegocerus, Capricornus, caper
 cornutus; Βασιλίσκος Basiliscus,
 vel regulus, cor leonis, quippe
 stella regia. Δελτωλὸν Deltoton,
 Triangulum, à formâ literæ
 Δ. Εὐγónασιν Engonasi Hercules in-
 geniculatus. Ἡνίοχος Hentochus
 auriga, qui tenet habenas. Κα-
 λαῦρος vel Κολόρ' ῥ' οβ Colorrobus
 pedum repandum, vel hasta
 Bootis. Κοτύλη Cotyla vasculum
 aquarij. Κυνοσφα Cynosura, Ursa
 minor, quia canis caudam ha-
 bet. Νότιος Notius, hoc est austri-
 nus piscis. Ο'φιῶχος Ophiuchus,
 Serpentari⁹, perperam ὀφιῶλ-
 κος, neque enim trahit serpen-
 tem. Οὐρανίσκος Corona meri-
 dionalis. Πλειάδες Plejades, septē
 stellulæ in dorso Tauri, à mul-
 titudi-

titudine sic dictæ, quasi πλείονες.
 alias etiam Ἀτλαντίδες Atlandides.
 Πλόκαμος Coma Berenices, a-
 lias Τείχεσ quoque. Προκύων Procyon
 Canis minor, quasi Antecanis,
 quod ante majorem oriatur.
 Πρόπυς Præpes, stella quæ est an-
 te pedem Castoris. Aliquibus
 etiam Τρόπος dicitur, quod in-
 dicet in proximo adesse Solis
 conversionem. Προτρυνητής vel
 προτρυνητής Prævindemiator in
 alâ virginis, quæ ante autu-
 mnū oritur. Σπικα πρ. Σύν-
 δεσμος nod⁹ lini. Ὑδροχέως & ὕδρο-
 χός Aquarius. Ὑάδες Hyades, in
 capite Tauri, ἀπὸ τῆς ὕδατος à pluē-
 do, quod ortu suo largos im-
 bres cieant; vel à græcâ litera
 Υ. ypsilon, quam sua disposi-
 tione adumbrant. Φάτινη. Præse-
 pe nebulosum in cancro.

32. Occurrunt & aliqua stellarum nomina in Hebræis voluminibus, nempe Job. 38. vers. 31. Esai. 13. v. 10. Amos. 5. vers. 8. præsertim verò Job. 9. v. 9. ubi omnia quatuor coarcevantur, Asch, Kesil, Kimah, & Chadre-Theman. de quibus tamen magna est dissensio inter Interpretes. B. Hieronymus vertit Arcturum, Oriona, Hyadas & interiora Austri: atque videtur rem propius tetigisse. Nam R. Abrahamus Aben Ezra, qui solus ferè inter Judæos Commentatores minimè desipit, cum primis verò Astronomicæ rei peritissimus fuit, in suo Perusch super locum Amos, ex Etymis ità probabiliter explicat: Asch est plaustrum quod vocatur URSA (vel *אַשְׁכְּזָה*) vicina polo boreo;

boreo; proinde apparet semper tam æstate quàm Hyeme, in omni climate septentrionali, & denominatur sic à radice *UscH* (quæ congregare significat) quoniam illarum septem sunt, neque ab invicem separantur. at ecce *KESIL* est ex opposito *kimæh*, neque unica tantum sed plures; inter quas etiam Cor Scorpj. Sententia majorum nostrorum fuit, quòd *KIMAH* sit inter caudam Arietis & caput Tauri, nempe sex stellulæ evidentes, quantumvis parvæ: hoc est *plejades* quæ (juxta versum Ovidij) septem dici, sex tamē esse solent, Existimat autem Rabinus ille, quod scriptura per hæc stellæ, *KIMAH* & *KESIL* Æquinoctia potius designet, quæ ipsis olim, tempore Jobis proxima fuerint: quoniam singulis centum annis movetur circulus signorum ab occasu in ortum

ferè

ferè sesquialternis gradibus. Quod mihi verisimile videtur: quamvis motum præcessionis æquinoctiorum nondum ita præcisè definitum esse sciam. Est propè polum australem stella quædam magna & rutila, quæ lingua Ismaëliitarum vocatur SAHIL (Si Arabicam orthographiam spectemus, scribitur recti⁹ Suhilon; estque qui alias Canopus dicitur, in remonavis) & sunt stellæ minores ipsi vicinæ, quæ cernuntur aliquando, si quis proficiscatur versus Æquinoctialem; at septentrionales non vident ullam ex eis: Propterea nominavit eas scriptura CHADRE-THEMAN, h. e. penetralia Austri.

33. Nisi Arabicæ appellationes stellarum etiam in latinis authoribus prævulgatæ essent, potuissem recitatione illarum

larum supersedere. Nunc autem quando in tantum depravatae sunt, ut vix amplius agnoscantur, visae sunt meam quoque medelam desiderare: praesertim postquam in hos & con-
similes usus publico bono, novos nuper typos meâ manu paravi. Quid autem mirum si in
tâm profunda hujus linguae ignorantia; quæ hætenus Europeos occupavit, scribantur
perperam? cum nè nominibus quidem authorum, librorum-
vè titulis fors melior contingerit. Ecce quomodo ex græco
ἰσπαρχ & factum sit primò Arabicū Ibbarchus (duplici P. quod
ipsis semper aspiratum est, in B. dageffatum converso) deinde abientib⁹ genuinis vocalib⁹
pravè lectū per Abrachis. Item
exin-

ex inscriptione Ptolemaica
 Σύνταξις μεγίστη, præmisso articu-
 lo natum illud barbarum Alma-
 gestum, ipso penè sono tremen-
 dum! nihilo tamen propterea
 cunctantius hoc Augiæ stabu-
 lum subibo; modò ut Astrono-
 morum hac ratione gratiam
 inire queam; de quorum stu-
 diis vel sic benè mereri posse
 gaudeo. Animadvertat inte-
 rim Lector, quomodo plerisq;
 Articulus AL (vel pro consue-
 tudine regionis pronunciatus
 EL) aliquibus etiam vocalæ
 RA s caput, CALB cor, DENE B cauda
 &c. præpositæ sint.

Abracheleus, compositum ex
 Arabico Ab Pater, & Græco
 ἡγεκλής Hercules, sic nomina-
 tur Castor, h. e. geminorum
 inferior, vel ex eo simpliciter,
 altero puncto Joda misso.

Afelar vel Aphellar, ex Græco Ἀ'πόλλων, quo nomine aliqui Pol-
lucem, h. e. geminorum supe-
riorem appellant, r. est ex im-
perfecto n. plus verò corrup-
punt, qui Anhelar legunt.

Afeichus, depravatū ex græ-
co, ὀφεισχος. In hisce tribus ab-
sentia vocalium peperit tam
distortam lectionem.

Acharnar, pro Achiron-nah-
ri, h. e. ultima fluvij sc. Erida-
ni, convenit cum Hebræo
Acharón-hannahár.

Alacrab, vel cum ultima vo-
cali, (quæ tamen in translatis
ferè semper omitti solet) Ala-
crabo, est Scorpius, & conve-
nit cum Hebræo Akrabh. Malè
quibusdam scribitur Alatrab.

Elarneb, vel Arabicâ termi-
natione Alarnebo. est lepus,
ex hebræo Arnæbhzt.

Alefid, pejus Alezet. legendum Alafado: estque Leo.

Afida, foeminium prioris, significat leænam, sed usurpatur in globis pro Bestiâ Centauri vel Lupo: legiturque rectius Afedaton.

Azimech, spica virginis. lege cum aspiratione & per t. huzimethon. est enim à radice chazama, & significat manipulum vel fascem scil. aristarum. Deterius alicubi scribitur Alzimon: & tribuitur comæ Berenices.

Aramech, potius cum solari r. duplicato, Arramicho; significat hastatum, notatque Bootem, vel ejus interceptum Arcturum. Oritur ex Hebræo Romach, lancea.

Beten ketos, rectius Batnolkitosi,

kitosi, hoc est venter Ceti, ex Hebræo Bætæn, & Græc. Κῆτος.

Cheichius, ineptissimè pro Chiphus; quod manifestè ortum ex Κηφεύς Cepheus.

Deneb elezid vel elasi: neutrum prorsus rectè, sed potius Dhanbol-asadi, hoc est, cauda leonis. Ex Hebræo Zanabh, Zain pro more in Dhal punctatum sive blæsum converso.

Deneb adigegi, rectius Dhanbod-digageti, hoc est, cauda gallinæ. sic vocant Cygnum.

Deneb algedi, lege potius Dhanbol-gædij cauda capri vel capricorni. ex Hebr. Gcdi, Hœdus.

Deneb ketos, Dhanbol-kitosi, cauda ceti, singulæ voces jam pridem sunt explicatæ.

Alderaimin, brachium dextrum

trum, scilicet Cephei. Ex Hebræo, Hazzedóa-hajemanith. Zain rursus in Dhal converso. Legendū est Addherao-jaminon.

Aldebaram, lege Debiron, vel cum Articulo Abdebiru ductor, qualis est Alluph, bos in suo grege. sic denominatur oculus Tauri.

Edeleu, verius Addelvvu fistula, scilicet Aquarij, qui & hebræis est Deli ab hauriendo.

Dubhe, vel Dubon Ursus in gen. Masc. Et cum epithetis differentiæ causa: Dubol-achbaro, ursus major.

Dubol-azgaro, ursus minor, quasi Dobh Hazzair.

Enif alpheraz, lege Aniphōlpharasi, nasus equi scilicet Pegasi. Ambo sunt ex hebræis; hoc ex Parasch eques: & illud ex Aph,

ex Aph, Nun chaldæo more re-
ducto.

Fontabant, vel Fumahant vel Fo-
mahaut omnia pravissimè: re-
ctius verò Phomol-chuti, hoc
est, os piscis scil. notij. Est enim
& Chaldæis Pum, os.

Geuze, vel cum articulo Al-
gauza Nux, Aezóz Hebr. sic
nominantur tres parvulæ in
capite Orionis, quia instar nu-
cum in ludo puerili disponun-
tur, wie ein häufflin Nuß / .
(vel Hebræum Sægolta. .) Vn-
de & Latini Juglandem, alij ju-
gulam stellam vocant. Non-
nullis putantur esse capita Ge-
minorum; sed perperam. ha-
bent enim alias appellationes,
quas supra jam adduxi.

Algebar, vel plenè Algebaros;
Heros. i Gbbór Hebr. cognomē
Orionis. D Alge-

Algedi, Algedio. Capricornus, ut supra.

Algethi, Algathio: procidens, hoc est, Hercules *ἑγγόνασιν*. Ideoque additur plerunque Alai rochbatihi super genua sua, Al-Birchav.

Algenib, algænbo, latus scil. Persei. sine articulo quibusdam Chenib: aliis pejus etiam Cheleub, quasi canē notaret.

Algomeysa, Algomyso; Sycomorus, ficus sylvestris. sic appellant Procyonem: nec scio quare. forsan quòd hanc arborem ejus loco nonnulli pingant. Nisi quis potius Alchamyzo per Z scribere malit, quod tostum vel affatum significat, & in illius sideris æstum quadraret.

Algorab, plenius Algorabo
Corvus

Corvus. Orebh Hebr. ab obscuro seu nigro colore. Sed Arabicè punctatum Ain enunciat duriusculè ferè ut G. Inde est & nostrum Grapp oder Rapp.

Alhaiot, hircus ex Hebræo Attudim, legatur plenè Alatudo.

Elhabor major, subintellige Kelbon canis, & lege Alachbaro.

Elhamel, Aries, convenit cū vernaculo Hammel: sed pronunciarur rectius Alchamalo.

Inkalurus, baculus Bootis, quòd olim esset ἐν τῷ κολάρῳ, hactenus verò Æquinoctij præcessione multum inde remot⁹.

Aliemini, sive Aliaminio dexter. Sic etiam denominatur Syrius vel canis major, quia

meridionalis est respectu minoris. Nam Hebræis & Arabibus, qui vultu ad orientem converso adorant, in dextra est Auster, Septentrio in sinistra.

Elketos, Cetus, *κῆτος* & ut supra.

Elkis, aliis alches, & rursus aliis alhas, rectius tamen Alkaso, Poculum, Crater. Oritur ex Hebræo Kós, quod notum est ex vulgatâ chria R. Eleasari; quælibet cognosci Bakkís, Bakkós, Bakkáas, ex loculis, poculis, & oculis.

Leschat, laschaton, morsus vel aculeus Scorpij.

Markab, plenè markabon: ephippiū Hebr. Mækabh, stragulum, cui inequitamus. sic illis vocatur stella, quæ nobis est in alâ Pegasi.

Marfic.

Marfic, Marfikon axilla : in dextro Herculis cubito.

Mizan, midſanon bilanx \simeq libra, ex Hebr. Mozenáim, quaſi utrinque aurita.

Mirac, Mirar, Miraz, omnia corruptiſſimè : rectius Mizar, vel nominativâ terminatione Mizaron, Cingulum ſcil. Andromedæ. Hebr. Azód, præcinctorium. Mem eſt ſervile.

Menkar, Minquaron; mandibulâ. lucidior in ore Ceti à radice Nakár roſit.

Melleſ, Mallephon, conglomeratio. Nebuloſum præſepe in Cancro, quia conſtat ex pluribus minutioribus. Etiam Chaldaicè Lephaph, involvere ſonat.

Nahar, Nahron: Hebr. Nahár fluviuſ, Eridanus. alias etiam Gyon.

Alphas, Alpharaso, Equus
scil. alatus ille Pegasus, ut su-
pra.

Alphecca, Alphakacho, flos
apert⁹, sic dicitur gemma Gno-
sia, in Septentrionali Coronâ:
quæ ipsis est fertum floridum
sive corolla. Aliis scribitur
Alpheta, quasi non à Pakách, sed
cognatâ radice Pathach, descē-
deret: quod sanè parùm re-
fert.

Kalbalacrab, rectius Kalbol-
akrabi, Cor scorpij; Antares.

Calb elexid, melius Kalbol-
asadi, Cor Leonis; Basiliscus
vel Regulus.

Elkuschu, Alkavvso, Arcus
Sagittarij: non multum abest
ab Hebræo Kæschæth.

Rasalgethi, Rasol-gathij Ca-
put procumbentis, hoc est,
Hercu-

Herculis. Quid subintelligatur, inquire supra.

Ras algol, Rasolguli, caput attenuationis. sic Medusæ vocatur, ob maciem. Exfugitur enim à spiris anguium, quibus obsitum est. Judæi appellant Rosch-hallilith, caput strigis, vel dæmonissæ cujusdam Lilis, quæ quondam fuerit Adami concubina, nunc puerperis insidietur noctu, atque infantes excarnificet. Sic ab omnibus populis hoc sydus habetur pro infausto.

Rastaben, Rasotahbani, caput Draconis, à radice, Thaáf, abominari.

Regel; Rigel, Riglon, pes scilicet Orionis sinister ex Hebr. Rægel. Aliàs hæc vox absq; vocalibus scripta, etiam Ragulon

legi potest, & sic Virum Arabicè, sive totum Orionem signaret.

Rukabah, vel cum articulo Alrukabah; rectius tamen Arrucabatho: currus vel plaustrum. Hebr. Richbáh: sic non tam ursa minor tota, quàm extrema ejus stella, quæ polaris est, καὶ ἐξοχὴν vocatur. Nautis familiarissima: Italis verò quibus trans Alpes cernitur, La Tramontana dicta.

Alfartan, Affartano cancer, & Judæis, Sartán.

Afugia, Affichagio, audax, furibundus: Cognomentum Orionis. à radice Schagá Hebr. insanivit. Perperam ab aliquibus Hydræ tribuitur.

Scheat alferaz, Saidol-pharasi, brachium equi, stella quæ est
in edu-

in eductione cruris Pegasei.
Sic & Aquarius habet suum
Scheat, recti⁹ Saidon, h. e. crūs,
à radice Saád, h. e. fulciendo sic
dictum.

Atanin, attanino, quibusdam
est Draco; ut conveniat cum
Hebræo Hattannin.

Attair, Attayro avis: sed hîc
in specie Aquila.

Altaur, Attayro Taurus, ex
Hebr. Schór. Schin (ut apud
multas gentes gentes, & infe-
riores quoq; Germanos solet)
in Tav blæsum mutato; unde
etiam Chald. & Syrum Thór,
item Græcum ταῦρος & Lati-
nū Taurus manifestè descen-
dunt. Hinc porrò derivantur

Attoraia, quæ sunt Hyades,
quasi Taurinæ. Quibus hunc
Catalogum ob signo.

Supereſt ut in ſpecie de hujus
 Aſtroſcopij ratione & uſu aliquid
 adjiciam. Quoniam igitur, ut in præ-
 fatione monui, Globi ad id officium,
 quo fungi maximè debuiffent, inepti
 ſunt, cogitarunt jam olim diverſis
 temporibus prudentes & rerum A-
 ſtronomicarum periti artifices, an
 ullâ commodiori ratione aliâ huic
 negotio ſubveniri poſſit, atq; varios
 modos ſunt commenti. Quidam
 Aſtrolabio rem expedire cōnaban-
 tur: at & hoc convexo, non cavo cœ-
 lo congruebat. Præterea imagines in
 medio nimis arctatæ, circa extremi-
 tates enormiter diſtorquebantur.
 Alij particularibus Schematiſmis do-
 cere ſtellas aggreſſi ſunt; & quod in
 tantæ dignitatis faſtigio ſummè mi-
 reris, ipſi Cæſares: nominatim Ger-
 manicus, Auguſti per adoptionem
 nepos. Verùm Imagines ejus, quas
 nuper Hug. Grotius ex antiquiſſimo
 MSto

MSto edidit, atque æri elegantissimè
 alioquin incidi curavit, adeò deprava-
 tæ sunt, adeò (ut ipsemet fatetur)
 toto Cœlo aberrant, nec ut Germani-
 ci genuinas esse credam, quæ ab ipsius
 versibus tantoperè discrepant; nec
 videam cur has ineptias non æter-
 nùm abolere potius, quàm magno
 sumptu publicare maluerit, vir cæ-
 terà doctissimus. Multò cautius no-
 strâ ætate stellas disposuit Joh. Baye-
 rus in suâ Uranometriâ, opere qui-
 dem diligentissimo, cùm figurarum
 apparatus, tùm multitudine stellarum
 ornatissimo: at in quo id meritò de-
 siderem, & ante me pridem alij cul-
 parunt, quòd imagines astris perpe-
 ram circumpictæ, & plerunque dex-
 tra sinistris permutata sunt; unde plu-
 rima in earum denominationibus
 confusio est oborta. Nempè non su-
 peficialiter tantùm eas invertere
 debuisset, quales repræsentat averfa
 papyrus oleo peruncta, vel quodvis
 speculum: sed corporaliter; ut quæ

in convexo globo dorsum spectantibus obijciunt, hîc in cavâ descriptione faciem nobis obvertant. Sic apti⁹ congrueret situs cum denominatione Prolemaicâ, & liber ampliori foret usui. Proinde cœpi & ego novissimè vires meas experiri, an ad stellarum notitiam adjumenti quid afferre valeam, nec reperi post cavū globum, quod studiosos facilius eò, manu quasi deducere queat, quàm hoc ipsum Astroscopium, in cujus unâ facie medietas cœli septentrionalis simplicissimè & ita depicta est, ut qui solum plaustrū noverit (quod à quovis rustico discere potest) reliquas omnes suâ serie dispositas confestim reperiatur, suâque sponte, nullo negotio agnoscat. In alterâ, præter austrinam cœli medietatem (quâ quidem nobis est conspicua) cernitur etiam Rete quoddam orbiculare, vel cancelli circa Eclipticam, qui statim ex configuratione cum vicinis fixis monstrant, quo signo vel gradu, visus

aliquis

aliquis Planetes hæreat, & ita mundo aspectu id docent, quod aliàs operosis organis observatores laboriosè venantur. Oportet ergò Planetas à fixis probè discernere. Id quoniam inassuetis difficile est,trado eis simplices hasce Regulas diacriticas. **FIXÆ** 1. retinent eadem semper interstitia. 2. ferè omnes scintillant, secundum plus tamen vel minus. 3. dispersæ sunt passim in toto cœlo. **PLANETÆ** contra 1. situs & configurationes suas ad vicinas citò mutant, uni accedendo, recedendo ab alterâ; quod ex collatione diversarum noctium facilè deprehenditur. 2. habent tranquillum lumen, constans, nec tremulum, nisi rarò. 3. nunquam egrediuntur hosce cancellos, aut latius divagantur ab Eclipticâ. Ideò semper & tantùm propè illam quærendi sunt. Ut autem & à se invicem dignoscas, sic habeto. Numerantur in universum septem. inter eos ☉ & ☾, quos jam ante nosti.


relinquuntur ergo quinque dijudi-
candi. Horum minimus ♀ Soli sem-
per adeò propinquus est, ut aut sub
ejus nimio splendore prorsus lateat
absconditus, aut si paululum inde di-
scedat, tyronibus tamen ob exilita-
tem vix observabilis sit. Altera ♀ etsi
paulò longius à Sole recedat, nun-
quam tamen ei opponitur, sed sem-
per aut vesperi apparet in plaga Oc-
cidentalì, aut in Orientali manè: ac
utrobique aureolis radiis faciliè agno-
scitur. Reliquorum trium ruberri-
mus est ♂, splendidissimus verò ♀,
pallidissimus denique ♀.

Redeo ad fixas, quas Astroscopium agnoscere principaliter docet. Illarum præcipuas tantum posui, minutioribus neglectis: & Antarcticæ quoque omisi. Quorsum enim inconspicuis fatigaremur? Nec eas tantum quæ totæ nobis occultantur, sed & quæ

& quæ ex parte maxima, ut Argo. Nam sufficit cæteras internovisse, eoque firmitus memoria tenere. In picturis nullum adhibui ornatum, hoc unicè dans operâ, ut stellæ quàm evidentissimè, negligentî⁹ verò imagines apparerent: & vicissim cavens maximè, nè artem alieno loco in-tempestivè ostentarem; quod alij exigua cum utilitate factitarunt. Vulgus sanè admiratur eos tantùm globos, qui pulchrè ad voluptatem picti sunt: ego autem odi in hoc negotio umbrarum caligines, & multò pejus incrustationes colorum, quibus principale objectum, scil. stellæ obnubilantur, & amo hic exilia potius simulachrorum lineamenta. Vt itaq; nudissimo isthoc Astroscopio feliciter utaris, conglutina binas ejus paginas ita, ut recta linea quæ solstitij column repræsentat, utrinque congruat: mox ubi exsiccatae fuerint, cultello ad centrum usque aperi. sic paratum erit organon. Postea in formam aro-

matarij

matarij cululli leviter convolve, &
 umbone suo contra polum dirige.
 Hujus situm si adhuc nescis, adi scio-
 tericon aliquod, id tibi gnomone suo
 axem mundi indicabit: vel consule
 Compassum, qui similiter ductu fili
 polum monstrabit. Aut si meridia-
 nam cœli faciem contemplaturus es,
 è Calendario quære locum ☾, illius-
 que gradum in reti repertum ita te-
 ne, ut vero corpori lunari ad amus-
 sim correspondeat; sic & cætera ritè
 locata erunt. Si jam aliquas insignio-
 res stellas agnovisti, venare reliquas
 imaginatione triangulorum, chara-
 cterum, literarum, vel quacunque
 ratione alia potes. Sed finis chartæ
 conjicit me de pluribus dicturum,
 eas in angustias, ut immaturius ab-
 rumpere cogar. Quæ ergò de Horæ
 nocturnæ facili cognitione, & con-
 similibus materiis supersunt, ea in
 commodiorem locum reservo. Hic
 nunc esto, FINIS.



Auctarium

ASTROSCOPII SCHICK-
hardiani novo habitu in pu-
blicum prodeuntis.

Dolendum sanè , & imis
sensibus dolendum , nobi-
lissimam Matheseos Scientiam ,
UranoScopiam, Helenam illam ad
invidiam usque pulchram, an-
tiquitus tanto studio, excul-
tam, tanto in pretio habitam,
tàm raros hodiè invenire pro-
cos, multis quoque pro vili, sub
pedibusque jacere , atque etiam
curiositatis damnatam jacere,
ab iis, qui emunctioris esse na-
ris videri volunt. Augetur do-
lor seculi, cæteroquin literati,
torpore, quem tanta Instrumen-
torum facilitas & felicitas ex-
cutere

cutere non potest. Sanabit dubio procul & justum animi mœrorem nostrum, & inertem Mundi senescentis torporem Nova isthæc Astroscopij Schickhardiani, ad cognitionem stellarum apprime commodi, Editio, hisce augmentis donata, & locupletata.

I. Artificum quidem modernorum Industria, in minutiis elegantiarum potius occupatur, quàm magnis structuris. Quia verò Instrumenta Astronomica, ob immensam Cœlorum quantitatem, quò majora sunt, eò meliora: ideoque in Theatrum Orbis literati producimus Astroscopium Schickhardi multò majori formâ adornatum, ut oculis caligantibus subveniamus, multorum desiderio

derio satisfaciamus, ipsamq;
mentem Authoris prolixius
exponamus.

2. Prodit hoc Astroscopium
stellarum cumulo, & numero,
in plagâ quidem Septentrionali
XXXVI. in Zodiaco verò XLIII.
In plagâ denique Meridionali
XXVII. summatim CVI. au-
dius, quas ex observationibus
quotidianis subindè locuple-
tare cuivis fuerit in proclivi.

3. Damus insuper Asterismos
Tres, recenter ab Artificibus
inventos; Unicornu XVII. Gal-
lum IIX. & Gruem VII. Stellis,
omnes in plagâ Australi mican-
tes.

4. Adjunximus Stellas novas,
ultimis hisce temporibus non
sine stupore in Cœlo visas; vi-
delicet. 1. Portentosam illam

Anno 1572. in signo Cassiopeæ,
 nostræ Bathsebæ, exortam. 2.
 Novam in pede Serpentarij, no-
 stri Pauli 1604. fulgentem. 3.
 Prodigiousam in pectore Cygni,
 nobis propè Caput Christi nostri
 cruxifixi, hærentem, An. 1600.
 primitus visam, & hoc tempo-
 re, salvis oculis acutioribus,
 nobis vix amplius observabi-
 lem. Et denique 4. Cometam,
 præfagum illum totius Ger-
 manix πανολεθρίως anteaambulo-
 nem, qui Anno Christi 1618.
 mole quidem corporis non ad-
 modum vastâ, sed cauda prælon-
 ga, magnum Cœli tractum oc-
 cupans, se nobis conspicien-
 dum præbuit.

5. Omnes & singulas Stel-
 las Sphæræ octavæ, quam A-
 stroscopio hoc adumbramus,
 præter

præter gyrum diurnum, quem intra 24. horarum spatium, circa Polos Æquinoctialis, rapidissimo cursu absolvunt, peculiari etiam, eoque lentissimo motu, secundum Polos Eclipticæ ferri, & singulis Annis LXX. circiter uno gradu à punctis Æquinoctiorum recedere, ideoque sedes antiquas immutasse, etiam Tyronibus innotuit; sciant itaque Astrophili, nos præsentem Stellarum metriam, quantum per Chartarum angustiam licuit, ad rationem hujus temporis accommodasse, & singulas Stellas uno fermè gradu Orientaliores posuisse.

6. Magnitudines insuper stellarum, quas Astroscopij Schikhardiani exilitas adeò evidenter ob

ter ob oculos ponere non potuit, in VII. Classes distributas, (septimā autem Classē constituunt Nebulosæ) ex Catalogo Tychoniano, Kepleriano, & Argoliano, haud indiligenter expressimus, quas Tabella magnitudinum plagæ Boreali affixa, subministrabit.

7. Distribuimus præterea universum Astrosopium in XII. Domos & Regiones Cœlestes, Dodecatemoria antiquitus appellatas, Signis suis imaginariis, & Lineis subtilissimis expressas, quas si penitus observaverit Astrophilus, à Polo Septentrionali, per Zodiacum, ad Polum Meridionalem ductas, & cuilibet Regioni Asterismos suos, & Images assignaverit, binas hæc Tabulas collate-

collaterales facilimè combinabit, in hoc negotio pensum suum absolvet ad votum, tribusque concatenatis noctibus, quod sanctè pollicemur, ex Concavo hoc Astroscopio, in Stellarũ cognitione plus proficiet, quàm alij indefessis triũ Mensium vigiliis, ex Globo convexo hæctenus assequi vix potuerunt.

8. Zodiaci quoque Gradus Longitudinis CCCLX, & Latitudinis XVI. gradus posuimus, additis Dodecatemiorum segmentis; Monet tamẽ Andreas Argolus, Patavinus Mathematicus lib. 1. Ephemerid. cap. 21. Latitudinem Veneris hodiẽ plus grad. 9. existere, ideoque Zodiacum grad. 20. latum esse debere.

9. Omnes Asterismos Nominibus Novis, maximam partem Sacris, profanis Gentilium subordinatis, piè insignivimus.

In Zodiaco : Aries, nobis est cum Schickhardo, Sacer ille Abrahæ. Isaci loco mactatus. Gen. 22. vers. 13. Taur⁹ Israëli-
tarum Sacrificialis, Levitic. 1. vers. 3. Gemini, Jacob & Esau. Fratres Uterini. Gen. 25. v. 25. Cancer, Mystic⁹ ille Militis Christiani Ephes. 6. vers. 14. Leo, de tribu Juda. Apoc. 5. vers. 5. Virgo, Maria Semper-Virgo, Luc. 1. v. 28. Libra, quâ Jehovah examinavit Belsazar. Dan. 5. v. 27. Scorpius, cujus morsus & ictus fenserunt in deserto Israëlitæ Deut. 8. vers. 15. vel quem Rehabeam Rex subditis fuit interminatus 1. Reg. 12. vers. 11. Sagittarius,

gittarius, Ismaël tela exercens
 Gen. 21. v. 20. Capricornus, Hircus
 Asasel, sive Emissarius. Levit. 16. vers. 8.
 Aquarius, Naëman aquis immerfus
 Jordanæis. 2. Reg. 5. v. 14. Pisces duo
 Christi, quibus quinque virorum millia
 miraculosè cibavit. Joh. 6. v. 9.

In plaga Boreali, binæ Gentilium
 Ursæ, sunt nobis Christianis, illi duo
 Ursilacerantes quadraginta duos pueros
 Empectæ Elisæ, 2. Reg. 2. vers. 24.
 Ursa major, ignei currus vicem
 sustinet, quo in Cœlestem Patriam
 Elias miraculosè reportatus est, 2. Reg. 2. v. 11. Minor
 verò Ursa, Jacobi Patriarchæ plaustrum
 refert, quo citato curru, Ægyptum petiit,
 Genes. 45. 27. c. 46. 29. Terribilis
 specie tortuque Draco, vel
 E Infer-

Infernalis Draconis vastam &
 tortuosam imaginē; Apoc. 12.
 vers. 3. 9. vel Draconis Beli im-
 manem rictum & hiatum re-
 fert. Fragm. Dan. 14. vers. 22.
 Stellas⁹ Cepheus, Rex Aethio-
 pum, aurea Salomonis Sceptra
 nobis in memoriam revocat,
 cujus magnificentiam Æthio-
 pum regina attonitè demira-
 batur, 1. Reg. 1. v. 39. c. 10. 1.
 Rigidus & nigricans Bootes, ro-
 bustum Venatorem Nimrodum
 nobis suggerit, qui scelerata
 spicula in imbellem Auroræ
 Cervā (quæ est Christus) con-
 torquet, Genes. 10. v. 9. Ps. 22.
 vers. 1. illamque Molosso suo,
 Arcturo persequitur, Joh. 9.
 vers. 9. Binis hisce ἀμώρφοις olim,
 hanc dare formam placuit. Berenices
 Capillum, Conon Mathema-
 ticus in gratiam mariti in fide-

raretulit, qui formosam Abso-
 lonis comam nobis effingit. 2.
 Sam. 14. v. 26. Fulgida Cœli
 Corona, Regis Ahasveri, vel
 Xerxis, Coronā splendentem
 adumbrat, quam adamatæ suæ
 conjugii Estheræ imposuit. E-
 sther. 2. v. 17. Hercules, ille ma-
 gnus ferarum domitor, nobis
 intrepidū Samsonem exprimit,
 qui magnis ausis inclitus, Leo-
 nis pectora gessit. Jud. 14. v. 6.
 c. 15. 15. Cadens vultur, illius ve-
 titi vulturis memoriam nobis
 reducit, cujus mentio extat
 Levit. 11. v. 14. in istius pectore
 Apollinis Lyra promicat, quæ Da-
 vidis canoræ Lyræ affonat, cujus
 etiam percussione Melancho-
 licū spiritum à Saule expulit.
 1. Sam. 16. v. 23. 2. Sam. 6. v. 5.
 Cygnus posset vocari olor Hussi,

qui ad rogū ductus augurabat:
 Post centum annos veniet Cy-
 gnus, quem affare non poterit-
 tis: vel ille Mosaic⁹ Levit. II. 17.
 Radiosa Cassiopeja, nobis Bath-
 sebam ponit ob oculos, magni-
 ficè in regia sella constitutam,
 Filio Salomoni latas claudens.
 1. Reg. 2. v. 19. Perseus Medusam
 Harpe suâ occidens & Andro-
 medam liberans, Davidem He-
 roem notat, qui fulgenti gla-
 dio immanem Goliathum de-
 collavit, illiusq; caput, omnib⁹
 Israëlitis ostentui dedit. 1. Sa-
 muel. 17. v. 51. Auriga vel Erich-
 thonius Patriarchæ Jacobi ima-
 ginem exprimit, Gen. 30. v. 36.
 apparent ibi bini Jacobi Hædi,
 quorū pelliculis indutus Be-
 nedictionem à Patre obtinuit.
 Gen. 27. v. 16. Ethnicorum Ser-
 penta-

pentarius, divum Apostolū Paulum producit, cui minacis vipera affultus, in Melitā nihil nocuit. Act. 28. v. 6. Aquila Imperii Romani Symbolum, vel etiam Christi Typus est, Ez. 1. Sagitta Jonathæ telū representat, fidi amici auguriū. 1. Sam. 20. v. 35. Ganimedes, servulus est, sagittas Jonathæ colligens. 1. Sam. 20. v. 35. Pegasus cū pernicipibus suis alis Babyloniorum alatos equos nobis ostendit, quos Jerem. c. 4. v. 13. volociores Aquilis Judææ minatur. Equuleus nobis Historiam Regis Joas insinuat, qui septennis equuleo invest⁹ regni habenas suscepit 2. Reg. 11. v. 16. vel Christi Asinam, quā Hierosolymā est ingressus. Johan. 12. v. 15. Andromeda sustinet Abigaëlis imaginem, quæ A-

malecitarum vinculis captiva
ducebatur, 1. Sam. 30. v. 5. per
Delphinum intelligimus curvos
Delphinos, quos regius psalter
Psal. 104. v. 26. in mari ludere
dicit. Triangulum S. S. Trinitatis
Typum gerit, Matth. 3. v. 17.
Apis illa Hymetti populatrix,
& mellifera, cujus laudes me-
morat Syr. c. 11. v. 3.

In plaga Australi, nobis Cetus
est Jonam deglutiens, & revo-
mens. Jon. 2. vers. 1. Eridanus,
Jordanes mirandum & à Deo
imperatum exercitui Israëli-
tarum transitum indulgens.
Jos. 3. vers. 14. Lepus ille Levi-
ticus. c. 11. v. 6. à cujus carne
abstinere debuit populus Dei;
Orion, Josua, Dux Israëlis Ma-
gnanimus c. 1. v. 1. Sirius imma-
nis ille Molossus, qui cum so-
ciis suis crudelissimæ Jezabelis

carnibus ventrem suum iratum placavit. 2. Reg. 9. v. 10, 35, 36. Procyon, canis mollibus lusitans blanditiis Tob. 11. v. 9. Hydra, Serpens æneus; Typ⁹ Christi in Crucem sublati. Num. 21. vers. 9. Crater vel Josephi præfagiis clarus: Gen. 44. vers. 5. vel Sacræ Synaxi destinatus. Matthæi. 26. v. 27. Corvus: sive eligas illum Noachi ex Arcâ avolantem, Gen. 8. vers. 7. sive illum Eliæ, divini vatis famem pane & carnibus solantem. 1. Reg. 17. vers. 6. Corona illa gemmifera, regium & victoriosum Davidis caput non tam exormans, quàm aggravans. 2. Sam. 12. vers. 30. Piscis Notius, cum lucidâ suâ Fomahant, nobis, Piscis Staterem in ore ferens, non sine miraculo ad occul-

rum Petri hamum decurrens. Matth. 17. ult. Gruem nos appellamus, sagacem illum temporis observatorem. Jerem. 8. v. 7. Unicornu Mosaicum, robur tribus. Josephi præfagiens, Deut. 33. v. 17. Gallum Petri labentis monitorem Matth. 26. vers. 75.

10. Nova quædam nomina, Novas etiam Imagines quasdam postulabant, quibus cumpri-
mis plaga Borealis est condecorata. Vides ibi Davidem de Goliatho triumphantem; & Abigail uxorem ejus catenis Amalecitarum alligatam; ut & Salomonem regio ornatu munitum; & Bathsebam Matrem ipsius in Throno regali, Diademate coruscantem, & Palma pacem imperantem. Hanc enim Familiam Sacram Davidis, & Abigail, Bath-

sebæ & Salomonis, isti prophæ-
 næ, Persei & Andromedæ, Ce-
 pheï & Cassiopeæ substituere
 placuit. Vides ibi Nimrodum, ut-
 pote Venatorem, Venabulo,
 Cane Venatico, Cerva, & si-
 mul Monarcham, Diademate
 superbientem; Jacobum Patri-
 archam vestibis pastoralibus
 indutum; Simsonem maxillâ,
 sago & scepro militari vim
 hostibus minitantem. Vides
 ibi Typum S. S. Triunitatis, cui
 accedit quarta Stellula, quæ Hu-
 manam quoque Christi Naturam
 in Consortiū ejus assumptam,
 admodum concinnè repræ-
 sentat: nec non in Cygno Cru-
 cem Salvatoris: ut Memoria Cruci-
 fixi in te quotidie crucifigat omne vi-
 tium. Vides ibi Jacobū in Ægy-
 ptum, Eliam in Cœlum, ambos
 citis

citis quadrigistendentes; Paulū amictu Apostolico velatum, & deniq; Ganymedem habitu fervili ad Imperia Heri sui paratum. Imagines suas Schickhardus negligentius figuravit, nè loco alieno artem ostentaret, nos, uti speramus, diligentius, eò tamen utrinq; collimantes unicè, ut stellæ evidentius prælucere, & acres oculorum obtutus penetratius ferirent.

II. Ut denique illi etiam subleventur, qui Ephemeridibus destituti, Planetarū loca certius nosse gestiunt, subjungere placuit Tabellam hanc Synopticam, undè sciant Sellarum Investigatores, ubi locorū, & in quo signo, quemlibet Planetā proximis hisce annis quærere debeant.

Satur-

♄ Saturnus.

Grad.

27. ♄ 1. Jan.

0. ♄ 15. Fpbr.

10. ♄ 8. Maij.

R. 18. ♄ 22. Aug.

D. 10. ♄ 3. Jan.

20. ♄ 23. Apri.

0. ♄ 16. Julij.

29. ♄ 23. Oct.

24. ♄ 19. Jan.

0. ♄ 5. April.

10. ♄ 21. Jun.

R. 16. ♄ 17. Sep.

D. 8. ♄ 31. Jan.

1649.

♃ Jupiter.

R. 27. ♃ 1. Jan.

D. 25. ♃ 10. Feb.

0. ♃ 8. Apri.

10. ♃ 30. Maij.

20. ♃ 14. Jun.

0. ♃ 31. Aug.

R. 7. ♃ 14. No.

D. 28. ♃ 16. Mar.

0. ♃ 21. Apr.

10. ♃ 22. Jun.

20. ♃ 7. Aug.

0. ♃ 24. Sep.

R. 8. ♃ 15. Dec.

D. 29. ♃ 17. Apr.

1. ♃ 10. Maij.

10. ♃ 18. Jul.

20. ♃ 4. Aug.

0. ♃ 22. Oct.

R. 9. ♃ 15. Jan.

1649.

♂ Mars.

9. ♂ 1. Jan.

0. ♂ 29. Jan.

0. ♂ 8. Mar.

0. ♂ 16. Apr.

0. ♂ 25. Maij.

0. ♂ 6. Jul.

0. ♂ 20. Aug.

0. ♂ 14. Oct.

R. 14. ♂ 7. Dec.

D. 24. ♂ 26. Feb.

0. ♂ 28. Mar.

0. ♂ 3. Junij.

0. ♂ 24. Julij.

0. ♂ 8. Sep.

0. ♂ 21. Oct.

0. ♂ 1. Dec.

0. ♂ 9. Jan.

0. ♂ 16. Feb.

0. ♂ 26. Mar.

0. ♂ 4. Maij.

0. ♂ 14. Jun.

0. ♂ 27. Juli.

0. ♂

o. Ω 12. Sep.
 o. Π 6. Nov
 R. 18. Π 9. Jan.
 1649.

∇ Venus.

3. χ 1. Jan. 1646.
 o. ∇ 24. Jan.
 o. γ 24. Febr.
 R. 17. γ 31. Mar.
 D. 1. γ 13. Maij.
 10. γ . 5. Jun.
 o. Π 29. Jun.
 o. Σ 28. Juli.
 o. Ω 23. Aug.
 o. Π 18. Sep.
 o. ∇ 12. Oct.
 o. ω 5. No.
 o. \rightarrow 29. No.
 o. γ 23. Dec.
 o. Σ 16. Jan. 1647.
 o. χ 9. Feb.
 o. ∇ 5. Mar.
 o. γ 29. Mar.

o. Π 23. Apri.
 1. Σ 18. Mai.
 o. Ω 12. Jun.
 o. Π 7. Julij
 o. ∇ 2. Aug.
 o. ω 29. Aug.
 o. \rightarrow 29. Sep.
 R. 18. \rightarrow 4. No.
 D. 4. \rightarrow 14. Dec.
 o. γ 26. Jan. 1648.
 o. Σ 24. Feb.
 o. χ 22. Mar.
 o. ∇ 17. Apri.
 o. γ 12. Maii.
 o. Π 6. Junij
 o. Σ 1. Julij
 1. Ω 26. Julij
 o. Π 19. Aug.
 o. ∇ 12. Sep.
 o. ω 6. Oct.
 o. \rightarrow 29. Oct.
 1. γ 23. No.
 1. Σ 17. Dec.

Cætera, quę forsitan hîc desiderabit Astro-
 philus, ipsa Cœli radiantis mappa submini-
 strabit, & Exercitationis assiduitas com-
 pensabit. Sed nunc manum de Tabulâ!

(spectet,

Qui negat esse DEUM, Cœli mox sidera
 Sidera qui spectat, non negat esse DEUM!

F I N I S.

